



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀ**

Ո Ր Ո Շ ՈՒ Մ

ԸՆԴՀԱՏՈՒԹՅԱՆ ՎԵՐԱԲԵՐՅԱԼ ՎԵՃԸ ԼՈՒԾԵԼՈՒ ՄԱՍԻՆ

26 սեպտեմբերի 2022 թվական

ք.Երևան

Ուսումնասիրելով թիվ ՀԿԴ/0037/01/22 (ԵԴ/0899/01/22) քրեական գործի ընդդատության վերաբերյալ վեճը լուծելու համար Վճռաբեկ դատարանի նախագահին ուղարկելու մասին ՀՀ հակակոռուպցիոն դատարանի՝ 2022 թվականի սեպտեմբերի 16-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. 2022 թվականի հունիսի 7-ին Երևան քաղաքի առաջին ատյանի ընդհանուր իրավասության դատարան է ստացվել թիվ ԵԴ/0899/01/22 քրեական գործն ըստ մեղադրանքի՝ Կարո Տիգրանի Ավանեսյանի՝ 2003 թվականի ապրիլի 18-ին ընդունված ՀՀ քրեական օրենսգրքի 314.3-րդ հոդվածի 1-ին մասով, որը 2022 թվականի հունիսի 8-ին ընդունվել է Երևան քաղաքի առաջին ատյանի ընդհանուր իրավասության դատարան գործուղված Լոռու մարզի առաջին ատյանի ընդհանուր իրավասության դատարանի դատավոր Ս.Գոգյանի վարույթ:

Երևան քաղաքի առաջին ատյանի ընդհանուր իրավասության դատարանի՝ 2022 թվականի հունիսի 15-ի որոշմամբ թիվ ԵԴ/0899/01/22 քրեական գործը 2022 թվականի հունիսի 23-ին նշանակվել է դատական քննության:

Նշված դատական նիստը ամբաստանյալի չներկայանալու պատճառով տեղի չի ունեցել և հետաձգվել է 2022 թվականի հունիսի 28-ին:

2022 թվականի հունիսի 28-ին կայացած դատական նիստի ժամանակ Երևան քաղաքի առաջին ատյանի ընդհանուր իրավասության դատարանն որոշել է դատական քննությունը անցկացնել համաձայնեցման կարգով:

Հաջորդ դատական նիստը նշանակվել է 2022 թվականի հուլիսի 12-ին, սակայն ոչ այդ օրը և ոչ էլ 2022 թվականի օգոստոսի 9-ին նշանակված դատական նիստերը չեն կայացել:

Երևան քաղաքի առաջին ատյանի ընդհանուր իրավասության դատարանի՝ 2022 թվականի օգոստոսի 31-ի որոշմամբ թիվ ԵԴ/0899/01/22 քրեական գործն ըստ մեղադրանքի՝ Կարո Տիգրանի Ավանեսյանի ուղարկվել է ըստ ընդդատության՝ ՀՀ հակակոռուպցիոն դատարան:

2. Թիվ ՀԿԴ/0037/01/22 (ԵԴ/0899/01/22) քրեական գործը 2022 թվականի սեպտեմբերի 2-ին մակագրվել է ՀՀ հակակոռուպցիոն դատարանի դատավոր Ա.Գրիգորյանին և նույն օրվա որոշմամբ ընդունվել է վարույթ:

ՀՀ հակակոռուպցիոն դատարանի դատավոր Ա.Գրիգորյանը 2022 թվականի սեպտեմբերի 16-ին որոշում է կայացրել թիվ ՀԿԴ/0037/01/22 (ԵԴ/0899/01/22) քրեական գործի ընդդատության մասին վեճը լուծելու համար գործը ՀՀ վճռաբեկ դատարանի նախագահին ուղարկելու մասին:

3. Գործը Վճռաբեկ դատարանում ստացվել է 2022 թվականի սեպտեմբերի 20-ին:

Ընդդատության վերաբերյալ վեճի լուծման համար էական նշանակություն ունեցող փաստական հանգամանքները.

4. Երևան քաղաքի առաջին ատյանի ընդհանուր իրավասության դատարանի դատավոր Ս.Գոգոյանը, հղում կատարելով 1998 թվականի հուլիսի 1-ին ընդունված ՀՀ քրեական դատավարության օրենսգրքի 292-րդ, 298-րդ հոդվածներին,

««Հայաստանի Հանրապետության դատական օրենսգիրք» ՀՀ սահմանադրական օրենքում լրացումներ և փոփոխություններ կատարելու մասին» 2021 թվականի ապրիլի 14-ին ընդունված ՀՕ-331-Ն օրենքի 19-րդ հոդվածի 20-րդ, 22-րդ, 23-րդ, 24-րդ մասերին, նշել է, որ թիվ ԵԴ/0899/01/22 քրեական գործով անցում չի կատարվել դատաքննության փուլ, ուստի քրեական գործը պետք է ուղարկվի ըստ ընդդատության՝ ՀՀ հակակոռուպցիոն դատարան¹:

5. ՀՀ հակակոռուպցիոն դատարանը 2022 թվականի սեպտեմբերի 16-ի որոշմամբ արձանագրել է. *«(...) Թիվ ԵԴ/0899/01/22 քրեական գործի նյութերի համաձայն՝ 2022 թվականի հունիսի 28-ին կայացած դատական նիստում արձանագրվել է հետևյալը.*

«(...)

Դատարանը որոշեց դատական քննությունը անցկացնել համաձայնեցման կարգով:

Ամբաստանյալ: Կարո Ավանեսյան: հարուկ կարգով քննեք:

Հարց. Դատավոր: Սուսաննա Գզոգյան: հարգելի մեղադրող ինչ կարծիք ունեք

Պատասխան. Դատախազ: Կորյուն Մերոբյան: նախկինում ես առարկել եմ, քանի որ պաշտպան չի ունեցել, քանի որ հիմա ունի պաշտպան չեմ առարկում.

Դատավոր: Սուսաննա Գզոգյան: հարգելի դատախազ ընթերցեք մեղադրական եզրակացությունը.

Մեղադրողը հրապարակեց մեղադրական եզրակացության եզրափակիչ մասը.

Դատախազ. Կորյուն Մերոբյան.

Դատավոր: Սուսաննա Գզոգյան: ընդունում եք Ձեզ առաջադրված մեղադրանքը.

Ամբաստանյալ: Կարո Ավանեսյան: ընդունում եմ, մեղավոր եմ ճանաչում.

Դատավոր: Սուսաննա Գզոգյան: հարգելի կողմեր որքան ժամանակ է հարկավոր քանակությունների համար.

Դատախազ: Կորյուն Մերոբյան: ընդմիջում 5 րոպե որոշելու համար. (...)»

(...)

¹ Տե՛ս քրեական գործ, հատոր 2, թերթեր 43-44:

Այսպիսով՝ Դատարանը գտնում է, որ թիվ ՀԿԴ/0037/01/22 (նախկին համարը՝ թիվ ԵԴ/0899/01/22) քրեական գործը ՀՀ հակակոռուպցիոն դատարանին վերաբաշխման ենթակա չէ և գործի քննությունը պետք է շարունակվի Երևան քաղաքի առաջին աստիճանի ընդհանուր իրավասության դատարանում, նկատի ունենալով, որ արդեն իսկ նշված քրեական գործով սկսել է դատաքննության փուլը, իսկ առաջին աստիճանի երկու դատարանների միջև առկա վեճը ենթակա է լուծման ՀՀ վճռաբեկ դատարանի նախագահի կողմից (...)»²:

Վճռաբեկ դատարանի քրեական պալատի նախագահի պատճառաբանությունները և եզրահանգումը.

6. Նախևառաջ հարկ է նշել, որ ընդդատության վերաբերյալ վեճը լուծելու համար ՀՀ հակակոռուպցիոն դատարանի դատավոր Ա.Գրիգորյանը որոշում է կայացրել քրեական գործի ընդդատության վերաբերյալ վեճը լուծելու համար գործը Վճռաբեկ դատարանի նախագահին ուղարկելու մասին: Մինչդեռ, 2021 թվականի հունիսի 30-ին ընդունված ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 22-րդ մասի համաձայն՝ նույն օրենսգրքի 263-րդ հոդվածի՝ առաջին աստիճանի ընդհանուր իրավասության և հակակոռուպցիոն դատարանների միջև ընդդատության մասին վեճերին վերաբերող կարգավորումները կիրառվում են Վճռաբեկ դատարանի հակակոռուպցիոն պալատի նախագահի նշանակման պահից: Մինչև նշված հոդվածի համապատասխան կարգավորումը կիրառվելը Վճռաբեկ դատարանում ստացված ընդդատության մասին համապատասխան վեճը ենթակա է լուծման Վճռաբեկ դատարանի քրեական պալատի նախագահի կողմից՝ համապատասխան որոշումը Վճռաբեկ դատարանում ստանալու պահից հնգօրյա ժամկետում: Հաշվի առնելով այն հանգամանքը, որ սույն որոշման կայացման օրվա դրությամբ Վճռաբեկ դատարանի հակակոռուպցիոն պալատի նախագահը նշանակված չէ, ուստի ընդդատության մասին վեճը ենթակա է լուծման Վճռաբեկ դատարանի քրեական պալատի նախագահի կողմից:

² Տե՛ս քրեական գործ, հատոր 2, թերթեր 54-57:

7. Սույն գործով բարձրացված իրավական հարցը հետևյալն է. թիվ ՀԿԴ/0037/01/22 (ԵԴ/0899/01/22) քրեական գործն ընդդատյա է Երևան քաղաքի առաջին ատյանի ընդհանուր իրավասության, թե՞ ՀՀ հակակոռուպցիոն դատարանին:

8. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

Մարդու իրավունքների եվրոպական դատարանը, *«օրենքի հիման վրա սրեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»³:*

10. Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ *«Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁴:*

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ *«(...) Գործերի պարշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական*

³ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁴ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա ստեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (19-րդ հոդված), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեւելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁵:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտներից, որոնք կարող են առաջանալ, եթե դատարանները չափազանց ձևական նկատառումներով հրաժարվեն գործը վարույթ ընդունել իրենց ընդդատյա չլինելու պատճառաբանությամբ:

⁵ Տե՛ս Վճռաբեկ դատարանի՝ Գևորգ Հարությունյանի գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

13. 1998 թվականի հուլիսի 1-ին ընդունված ՀՀ քրեական դատավարության օրենսգրքի 44-րդ հոդվածի 1-ին մասի համաձայն՝ *«Առաջին արյանի ընդհանուր իրավասության դատարանները քննում են բոլոր քրեական գործերը, բացառությամբ հակակոռուպցիոն դատարանին ընդդարյա գործերի, քրեադատավարական օրենսդրությամբ նախատեսված այլ գործեր (նյութեր), ինչպես նաև վերահսկողություն են իրականացնում քրեական գործի մինչդատարական վարույթի նկատմամբ:*

2021 թվականի հունիսի 30-ին ընդունված ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Առաջին արյանի ընդհանուր իրավասության դատարաններին ընդդարյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդարյա են հակակոռուպցիոն դատարանին»:*

««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերի համաձայն՝ «23. (...) Հայաստանի Հանրապետության առաջին արյանի ընդհանուր իրավասության դատարաններին ենթակա (...) կոռուպցիոն հանցագործությունների վերաբերյալ գործերը վերաբաշխվում են հակակոռուպցիոն դատարանի համապարասիան մասնագիտացում ունեցող դատավորների միջև, բացառությամբ սույն հոդվածի 24-րդ մասով սահմանված դեպքի:

24. Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված

գործերը ենթակա չեն վերաբաշխման հակակոռուպցիոն դադարանին, եթե տվյալ գործով անցում է կատարվել դադարանության փուլ»:

«Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասի համաձայն՝ «Սույն օրենքն ուժի մեջ մտնելուց հետո Հայաստանի Հանրապետության առաջին արյանի ընդհանուր իրավասության դադարանների վարույթում գտնվող կոռուպցիոն հանցագործությունների վերաբերյալ գործերը վերաբաշխվում են հակակոռուպցիոն դադարանի դատավորների միջև, եթե տվյալ գործերով անցում չի կատարվել դադարանության փուլ»:

Նշված նորմերից հետևում է, որ կոռուպցիոն հանցագործությունների վերաբերյալ գործերը հակակոռուպցիոն դատարանի համապատասխան մասնագիտացում ունեցող դատավորների միջև վերաբաշխելու կանոնից բացառություն են կազմում այն գործերը, որոնցով **անցում է** կատարվել դադարանության փուլ:

14. 1998 թվականի հուլիսի 1-ին ընդունված ՀՀ քրեական դատավարության օրենսգրքի 375.2-րդ հոդվածի համաձայն՝ *«1. Դադարանը բավարարում է համաձայնեցման վարույթ կիրառելու մասին միջնորդությունը, եթե առկա է սույն օրենսգրքի 375.1-ին հոդվածի 1-ին մասով նախատեսված հիմքը, բացակայում են սույն օրենսգրքի 375.1-ին հոդվածի 4-րդ մասով նախատեսված համաձայնեցման վարույթի կիրառումը բացառող հանգամանքները:*

2. Ամբաստանյալի միջնորդությունը բավարարելու դեպքում դադարանը կողմերի բանակցությունների համար սահմանում է առավելագույնը մեկամսյա ժամկետ (...):»:

Նույն օրենսգրքի 375.3-րդ հոդվածի 1-ին մասի համաձայն՝ *«Համաձայնեցման վարույթ կիրառելու մասին միջնորդությունը բավարարելուց հետո մեղադրողը համաձայնության գալու նպատակով բանակցություններ է սկսում ամբաստանյալի և նրա պաշտպանի հետ»:*

Նույն օրենսգրքի 375.4-րդ հոդվածի 2-րդ մասի համաձայն՝ *«Համաձայնության մասին արձանագրությունն ընդունելուց հետո դատարանը որոշում է կայացնում դատաքննությունը հալածել կարգով անցկացնելու մասին»:*

Նույն օրենսգրքի 375.5-րդ հոդվածի 2-րդ մասի համաձայն՝ *«Դատաքննությունն սկսվում է մեղադրողի կողմից համաձայնության մասին արձանագրության հրապարակմամբ»:*

15. Սույն գործով Երևան քաղաքի առաջին ատյանի ընդհանուր իրավասության դատարանը քրեական գործն ըստ ընդդատության ՀՀ հակակոռուպցիոն դատարան ուղարկելու մասին որոշմամբ պատճառաբանել է, որ հիշյալ քրեական գործով անցում չի կատարվել դատաքննության փուլ, այսինքն՝ այն ընդդատյա է ՀՀ հակակոռուպցիոն դատարանին⁶:

ՀՀ հակակոռուպցիոն դատարանի դատավոր Ա.Գրիգորյանը, չհամաձայնվելով նշված դիրքորոշման հետ, գտել է, որ քրեական գործի քննությունը պետք է շարունակվեր Երևան քաղաքի առաջին ատյանի ընդհանուր իրավասության դատարանում, քանի որ քրեական գործով սկսվել է դատաքննության փուլը, հետևաբար գործը ենթակա չէր վերաքաշխման ՀՀ հակակոռուպցիոն դատարանին⁷:

Մինչդեռ, թիվ ՀԿԴ/0037/01/22 (ԵԴ/0899/01/22) քրեական գործի նյութերի ուսումնասիրությունից երևում է, որ Երևան քաղաքի առաջին ատյանի ընդհանուր իրավասության դատարանը 2022 թվականի հունիսի 28-ին կայացած դատական նիստի ընթացքում որոշել է *«դատական քննությունն անցկացնել համաձայնեցման կարգով»*, որից հետո գործի քննությունը հետաձգել է՝ **կողմերի միջև համաձայնության գալու նպատակով բանակցությունների համար**: Դրանից հետո բանակցությունների արդյունքներով կազմված համաձայնության մասին որևէ արձանագրություն չի ներկայացվել, Երևան քաղաքի առաջին ատյանի ընդհանուր իրավասության դատարանի կողմից չի ընդունվել և **դատաքննությունը** հատուկ

⁶ Տե՛ս սույն որոշման 4-րդ կետը:

⁷ Տե՛ս սույն որոշման 5-րդ կետը:

կարգով անցկացնելու մասին որոշում չի կայացվել⁸, հետևաբար սույն քրեական գործով անցում չի կատարվել դատաքննության փուլ:

16. Նախորդ կետում մեջբերված փաստական հանգամանքները գնահատելով սույն որոշման 8-14-րդ կետերում շարադրված իրավադրույթների և իրավական դիրքորոշումների լույսի ներքո, պետք է արձանագրել, որ 1998 թվականի հուլիսի 1-ին ընդունված ՀՀ քրեական դատավարության օրենսգրքի 44-րդ հոդվածի 1-ին մասի, ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ, 24-րդ մասերի և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասի ուժով թիվ ՀԿԴ/0037/01/22 (ԵԴ/0899/01/22) քրեական գործն ենթակա է վերաքաշխման ՀՀ հակակոռուպցիոն դատարան:

Այսպիսով, գտնում են, որ թիվ ՀԿԴ/0037/01/22 (ԵԴ/0899/01/22) քրեական գործն ընդդատյա է ՀՀ հակակոռուպցիոն դատարանին:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 22-րդ մասով՝

Ո Ր Ո Շ Ե Ց Ի

Թիվ ՀԿԴ/0037/01/22 (ԵԴ/0899/01/22) քրեական գործն ըստ մեղադրանքի՝ Կարո Տիգրանի Ավանեսյանի՝ 2003 թվականի ապրիլի 18-ին ընդունված ՀՀ քրեական օրենսգրքի 314.3-րդ հոդվածի 1-ին մասով ընդդատյա է ՀՀ հակակոռուպցիոն դատարանին:

ՀԱՄԼԵՏ ԱՍԱՏՐՅԱՆ

⁸ Տե՛ս քրեական գործ, հատոր 2, թերթեր 20-21: